

## “Мустақиллик” маҳалласида шодиёна

Мирзо Улуғбек тумани “Мустақиллик” МФЙ аҳолиси ва ёшлари учун ташкил этилган, югуриш, футбол ва баскетбол майдончасидан иборат спорт мажмуаси муносиб совға бўлди. Ушбу спорт комплексидаги футбол майдончаси, болалар майдончаси ва катталар учун турли тренажерлар комплексининг фойдаланишга топширилганидан маҳалланинг барча аҳолисининг хурсандчилиги чексиз.



Мазкур спорт комплекси “Ёшларни қўллаб-қувватлаш ва аҳоли саломатлигини мустаҳкамлаш йили” дастури асосида Халқ депутатлари Тошкент шаҳар Кенгаши депутати, ТИҚХММИнинг ректори, профессор Ўктам Умурзоқовнинг ташаббуси билан ташкил этилаётган 4-чи объект ҳисобланиб, очилишидаги рамзий тасмани қирқиш учун маҳалла фаоллари, туман ҳокимлиги вакиллари иштирок этишди. Сўнгра барча ям-яшил футбол майдончасига кириб ўз жойларини эгаллашди.



Маҳалла аҳолиси ва ёшлари иштирокида жозиб рақслар намойиш этилди. Маҳалла фаоллари ушбу мажмуанинг очилишида жонбозлик кўрсатган институтимиз раҳбариятига ўз миннатдорчилигини билдирди.

**ТИҚХММИ матбуот хизмати**